



SAKSPAPIR

Saksnr	Utval	Type	Dato
08/2018	Formannskap/plan- og økonomiutvalet	PS	29.01.2018

Sakshandsamar	Arkiv	ArkivsakID
Tore Henrik Øye	FE - 242, FA - K00	15/93

VAKSDAL KOMMUNE SITT FOND FOR VILT, FISKE OG FRILUFTSLIV - MIDLAR TIL MØTE OG LOKAL VILT- OG FISKEFORVALTING

Rådmannen sitt framlegg til vedtak:

Vaksdal kommune løyver inntil kr. 30 000,- til kommunal landbruksforvalting for å halde to temamøte om lokal forvalting av vilt- og fiskeressursane i løpet av 2018.

Tilskotet vert løyvd frå Vaksdal kommune sitt fond for vilt, fiske og friluftsliv, i medhald av §§ 4 og 5 i fondsvedtektene, jf. § 2. Midlane skal nyttast til gjennomføring av sjølve møtet, ikkje til planlegging og administrasjon. Det er ikkje sett grense for finansieringsgrad ut frå av totale kostnader.

Landbruksforvaltinga i kommunen bør søkje samarbeid med lokale interesseorganisasjonar om arrangøransvaret.

Tilskotet vert betalt ut med bakgrunn i dokumenterte kostnader.

Formannskap/plan- og økonomiutvalet - Sak 08/2018

FPØ - Behandling:

Samrøystes vedtak.

FPØ - Vedtak:

Vaksdal kommune løyver inntil kr. 30 000,- til kommunal landbruksforvalting for å halde to temamøte om lokal forvalting av vilt- og fiskeressursane i løpet av 2018.

Tilskotet vert løyvd frå Vaksdal kommune sitt fond for vilt, fiske og friluftsliv, i medhald av §§ 4 og 5 i fondsvedtektene, jf. § 2. Midlane skal nyttast til gjennomføring av sjølve møtet, ikkje til planlegging og administrasjon. Det er ikkje sett grense for finansieringsgrad ut frå av totale kostnader.

Landbruksforvaltinga i kommunen bør søkje samarbeid med lokale interesseorganisasjonar om arrangøransvaret.

Tilskotet vert betalt ut med bakgrunn i dokumenterte kostnader.

Saksopplysningar:

BAKGRUNN

Landbruksforvaltinga i kommunen planlegg temamøte om lokal vilt- og fiskeforvalting i 2018, med småvilt og anadrom fisk (laks/sjøaure) som hovudtema.

Det er for tida låge bestandar av rype i Vaksdal kommune og kringliggjande fjellområde, med sterk regulering av rypejakta. Situasjonen varierer noko mellom områda, og forvaltinga vert hovudsakleg drive enkeltvis, område for område. Men ut frå tanken om ei heilskapande og best mogeleg ressursforvalting som grunnlag for jaktutøving, vil det vere tenleg med kontakt om aktuelle forvaltingstiltak og jaktpraksis. Føremålet med temamøtet er difor å setje fokus på mogeleg samarbeid, og peike aktuelle fellestiltak som kan auke kunnskapen for den praktiske og framtidsretta forvaltinga av rypebestandane i regi av lokale aktørar. Dette som utgangspunkt for jakt og rekreasjon. Målet å involvere føredragshaldarar med høg viltfagleg kompetanse innfor temaet.

Vaksdal kommune har to viktige vassdrag med laks og sjøaure i kommunen. Begge vassdraga har lokal organisering, og det lokale engasjementet kring forvalting og utøving av fiske, er stort. Noko som også er viktig å sikre for framtida, sidan mange forvaltingsoppgåver ligg til lokalt nivå. Føremålet med temamøtet er å ta opp aktuelle problemstillingar og utfordringar, som grunnlag for komande bestandsforvalting og tilrettelegging for fiske. I dette høve vil det vere naturleg å trekkje vekslar på lokale fagfolk/forskarar som innleiarar.

Landbruksforvaltinga legg opp til kontakt og samarbeid med lokale grunneigarlag og jakt-/fiskelag ved planlegging og gjennomføring av temamøta. I tillegg er planen å trekkje vekslar på fiskeforvaltaren i Hordaland fylke og Hordaland fylkeskommune.

Det er budsjettert med ein kostnad på minst kr. 30 000,- for å gjennomføre sjølve arrangementet, fortrinnsvis knytt til leige av føredragshaldarar og servering.

VURDERING

Jakt- og fiskeforvalting er eitt av saksområda for Vaksdal kommune sitt fond for vilt, fiske og friluftsliv, jf. § 2 i fondsvedtektene, med kunnskapsformidling som relevant tiltak. I dette høve legg dei planlagde møta opp til å fremje merksemda og engasjementet kring lokal ressursforvalting og framtidsretta bruk, som er i samsvar med målet om at fondsmidlane skal vere til nytte lokalt, med verdi for ålmenta, jf. § 5.

I følgje § 5 kan grunneigarar, grunneigarlag, interesseorganisasjonar og enkeltpersonar i Vaksdal kommune søkje om tilskot frå fondet. Dette tydar at kommunal landbruksforvalting bør involvere lokale organisasjonar som arrangørar.

Det er ikkje sett noko prosentvis avgrensing for tildeling av tilskot i høve til dokumentert kostnad, jf. § 5 i vedtektene. Ut frå føremålet og kostnaden med tiltaket, går rådmannen inn for å løyve summen det vert søkt om.

I følgje § 5 i vedtektene, er målet at bruken av midlane over ein 5-årsperiode viser følgjande fordeling: Fiske 50 %, vilt 25 %, og friluftsliv 25%.

Omtrentleg fordeling til no i gjeldande femårsperioden er 38 % på fisk, 0 % på vilt og 62 % på

friluftsliv. Dette gjer at ein ligg innafor ramma for tildeling til jakt- og fisketiltak samla sett.

I følgje § 3 i vedtektene, skal grunnkapitalen for fondet vere kr. 250 000,-. Overskytande kapital er frie fondsmidlar. Tildeling av tilskot til møta, og samla bruk av fondet i 2017, fører ikkje til at fondet kjem under kravet til grunnkapital.

Konklusjon

Søknaden om tilskot til møte om lokal vilt- og fiskeforvaltning, er i samsvar med fondsføremålet. Rådmannen går soleis inn for tildeling av inntil kr. 30 000,- i tilskot til landbruksforvaltinga i Vaksdal kommune, i tråd med søknaden.